

## **VAIVATUL ETAL MA NFALYAWANG**

***“DABDOBOL MELA MAVU”***

### **DABDOBOL ULUN A**

Dabdobol Mela Mavu ini tali ubud-nusid roak (Tnebar- Maluku Tenggara Barat), verin tamata ovi rala vai Fordata. Dabdobol ini ba'i rala vali ma ala rsisobak. Dabdobol ini ba'i rfaturu ma al rala te rsambut ‘tamata dawan’ ovu mangun ovi rma ma ralola te rsi’ik dida ahu livur ra. Dabdobol ini ihin a nfaturu vali ne, Fareta Maluku ovu ni rakyat ra inar urun ma rotu kidabela ovu ahu liak na'a Indonesia, ovu negara ovi rovu ma rloba ma abau ra rafla silalia tali Darwin nma Yabun, ovu negara liak vali.

### **DABDOBOL FELAN A**

Dabdobol Mela Mavu ini wol norang adat ovi rtali Hindu, Jawa, Sina, ovu liak ra. Felan a bisma tsi’ik lahir na'a ni tnabar te ni satsetin ra, velik ne biasa watan. Dabdobol ini ihin mgan'un a rfamalik roak na'a ni dadedang a.

### **TAMATA OVI ROVU DABDOBOL A**

Tamata ovi rovu na'a Dabdobol ini: vutrua rahin inean. Brana vutu rahin itelu, ovu vata vutu rahin itelu vali. Tali brana vutu rahin itelu yai, na isa neluk raja/nfefik Babal (tival dawan), isa neluk mela ngrihi, irua reluk raja ni ajudan/pengawal, inean rfefik tival ko'u, itelu reluk suldadu. Tali vata vutu rahin itelu yai, na isa neluk raja awan a, na isa vali neluk lamditi. Tamata ifa'at rfefik tival ko'u, ifitu rsomar (dayang-dayang/staf).

### **DABDOBOL NI BANBANAN A**

Tamata ovi rdobel ra, raruan ira rti wan i mane rso’i-rsomar na'a a. Na’ut i raran wan yai, na raja ovu awan a, rala tanlain al raflurut, nata tamata ovi rdobel ra, rera orang vali ira. Tanlain yai neluk rira falurut verin Duila'a, uburir-nusirira ra.

Raja nfefik Babal a ma neluk faneak ne, falurut i nban ulu a ovu i nban muri a roak rok, beti raja awan a nfareta tamata ovi rso’i-rsomar ra munuk ma rala rira falurut verin Duila'a, uburir-nusirira ra, ovu tamata ovi ramunin ra.

Dabdobol roak rok beti, tamata ovi rovu dabdobol ini, rti talik wan i rso’i-rsomar yai ovu dadedang i nfatutu ne, inar lolin urun (Amar Dawan).